

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA

Broj: T04 0 KT 0065778 25
Zenica, 11.12.2025. godine

OPĆINSKOM SUDU U ZENICI
-Sudiji za prethodno saslušanje-
ZENICA

Na osnovu člana 45. stav 2. tačka i), člana 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

B. S., neosuđivan,

Što je,

Dana 06.09.2025. godine, u mjestu G., grad Z., naročito drskim i bezobzirnim ponašanjem ugrozio građanski mir Š. F., na način da je došao u dvorište kuće gdje ista živi, nakon što je oštećena izašla na prozor pošto je čula buku, obratio joj se riječima: „K*** jedna ko ima u kući“, na što mu je odgovorila da ga nije briga, ali je i dalje nastavio sa pitanjima i krenuo da se penje uz oluk prema oštećenoj, kada mu je F. rekla da će pozvati policiju, krenuo se spuštati i rekao joj da će sve porazbijati, potom uzeo čašu od tvrde pvc plastike i bacio je u pravcu oštećene ali je nije pogodio, već je pogodio u fasadu na kojoj je nastalo oštećenje, iako je znao i bio svjestan da ovakvim postupanjem ugrožava građanski mir Š. F., što je i htio, zatim je prišao željeznoj ljuljački, istu podigao i gurnuo iz njenog dvorišta na glavnu cestu, uslijed čega se predmetna ljuljačka raspala, nakon čega je došao do njenog auta marke „Seat Altea“ reg. oznaka ... koje je bilo parkirano u dvorištu, nogom udario u lijevi retrovizor kojom prilikom je isti izvalio, te se popeo na haubu predmetnog vozila koju je pri tome udubio i isparao, iako je znao i bio svjestan da će na ovaj način oštetiti tuđu stvar, što je i htio, na koji opisani način je nanio štetu Š. F. u iznosu od oko 730,00 KM, koja se ogleda u oštećenjima na predmetnom vozilu i polomljenoj ljuljački, nakon čega se udaljio iz dvorišta Š. F.,

Dakle, naročito drskim i bezobzirnim ponašanjem prema drugom ugrozio građanski mir i oštetio tuđu stvar,

Čime je počinio krivično djelo „Nasilničko ponašanje“ iz člana 362. stav 1. u sticaju sa krivičnim djelom „Oštećenje tuđe stvari“ iz člana 293. stav 1. KZ F BiH, sve u vezi sa članom 54. KZ F BiH.

